

Bella's Sprüche 2002

VIVAT

Ich bin die kle Brelln un wer seid ihr?
Scheißegal, die Hauptsach is ihr seid hier!
Herzlich Willkommen is in dan Saal jeder,
drum macht ke gezeter.
Die Kermesgesellschaft is zwar a ke Bellett,
dafür ham ma aber a wunderschö's Barkett
Da druf a jeder g'sauf, g'feier, g'sing
Und sämliche Tanzbeine g'schwing
Drum laßt euch net ölles zwe mal soch
Denn so a Nachkermes gibt's net öller Toch



VIVAT

Un weil ich zur Kermes net allee sei wollt,
hab ich mir wie letzts Johr dan Perle aus da Eckn geholt.
Da wor ja gleich ganz angetan
Drum ham ma a nuch dan Göger gschlan.

VIVAT

Mei Vater lößt in dan Haus die Weiber A net in ruh,
is mit da en Arbet noch net richtig fertich, fängt die nächste scho u!
?

Da hot die ganz`n Bratter aus`n Fußbud`n raus gemacht
Un als ich mich versann hat,---
War ich durch die Deck`n bein alt`n Schlotfacher nein Schlafzimmer nei gekracht.

VIVAT

Mei Plotzer sei Reinhard, is a guter Mann,
aber mit seiner Elke wor ar nach die Standala net so gut dran.
Weil se ham gsuffn bis frühs in unnera Garagn
Hat na die Elke am Samstoch n Marsch gelasn.
Die ganz Kermes war für die Perles Pässe,
konnt da denn net rechtzeitig vun die Standala hem gegeh??

VIVAT

Jeden Freitich kehren die Velsdörfer in dan Miami ei,
da kommts wie immer zu a großn Sauferei.
Dran schuld sen nur die Maria un der Perle,
die fülln nämlich immer ab,
unere ganzen Kerle.

So auch der Jimmy vor ein paar Wochen,
konnt nimmer lafn, is nur noch gekrochn.
Da wollt er cool sein un dachte sich glatt,
rutsch ich doch efach dös Tröppngeläner hinab.
Der Bhat sich gleich gedach, dös geht net gut
Dös gibt nur blaue Flacke un böses Blut.
Da hats a net lang gedauert
Un da Jimmy hat a Etagen weiter unten rümgekauert.
Un weils a net anersch ku gsei,
brach dös Gelanner a nuch enzwei

VIVAT

Mei Onkel, da Andre Better, wie sölls a anersch sei,
muß in dan Johe a wieder in die Sprüchle nei.
Zur Hessbarcher Kermes hat da an drauf gemacht,
so das ar am nächstn Toch net mehr wußt
war ne hem hat gebracht
Die Ines, sei Frau hat sich gewunnert:Dös is doch der Glu,
hat da gstern Amd net nuch die teuern Tornschiu dru??
Die billichn Latschn für sein Bett warn beiden net bekann,
Is denn da mit danern Dingern vun Hessbarch hem gerannt??
Dan verlurner Galdbeutel ham se ja gleich wieder gefunner,
Die Froch war nur, wa hat die gutn Tornschiu mit hem genummer?

VIVAT

Drei Toch ham se vergebns gsücht un recherchiert
Auf emal frecht sei Gsell: War hat denn meine Latschn ausranchiert?
Die Ines schreit grat naus, Andre geh ma rei,
sölln dös dan Gsell seine Latschn sei?
Von da u föllts na wie Schuppn ausm Toupee
Die Schü könna nur im Gsell sein Spint gsteht.
Gedacht , getan, dan Spinnt aufgemacht,
Dort standn die Tornschiu in ihrer drackichen Pracht.

VIVAT



Ich bin ja froh, das da Saal is heit so vull,
denn heit wird`s noch ma richtig cool.
Drum habt guter Laune un ganz viel Spaß
Denn da geb ma noch ma richtig gas.
Also sauft nochmal heiter,
bis öller Kotzen un noch weiter
Un wenn ma öller Hacke sin,
Sauf ma noch en, dös macht Sinn
Da soch ich zu Schluß ganz laut PIEP PIEP,
ich ho euch öller ganz doll lieb!

VIVAT

Un weil da Wirt hat zu darer Kermes scho genug hat verdient,
wird ihr am liebst`n von darer Bar da ub`n bedient.

VIVAT

Mei Plozer soll leben, Sein Elternhaus und die Kermesgesellschaft daneben!!

